



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XII. Divisio, & Reductio Provinciarum Religionis C. R. Ministrantium Infirmi.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

licis, ac in Universalibus Conciliis editis specialibus, vel generalibus Constitutionibus, & Ordinationibus, nec non legibus Imperialibus, & aliis etiam municipalibus tam Urbis, quam quarumvis aliarum Civitatum, & locorum, in quibus Civis originarii creati sunt, ac quarumvis Ecclesiarum, Monasteriorum, Ordinum, & Hospitalis prædicti, nec non quorumvis Collegiorum, & Officiorum dictæ Curæ, ac Regnorum, Provinciarum, & Urbis, & aliarum Civitatum, & locorum, ac prædictæ Cameræ, etiam juramento, confirmatione Apostolica, vel quavis firmitate alia roboratis, statutis, & consuetudinibus, stabilimentis, usibus, & naturis, etiam si de illis servandis, & non impetrandis Literis Apostolicis contra ea, nec etiam ab alio, vel aliis impetratis, aut aliàs quomodolibet concessis utendo ipsi Cappellani per se, vel eorum Procuratorem præstiterint forsitan hætenus, vel in posterum eos præstare contigerit juramentum, privilegiis quoque, indultis, & Literis Apostolicis dictis Ecclesiis, Monasteriis, Ordinibus, & Hospitali Sancti Joannis Hierosolymitani, illorumque Præsulibus, seu Administratoribus, & Superioribus, ac Magistris, Præceptoribus, Prioribus, Militibus etiam antianis, Capitulis, & Conventibus, Civitatibus, & locis, aliisque personis, & particularibus, nec non Archiepiscopis, Episcopis, & aliis locorum Ordinariis etiam ejusdem S. R. E. Cardinalibus, ac dictæ Cameræ Officialibus, illorumque Collegiis sub quibuscumque tenoribus, & formis ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque. & aliis Decretis per quoscumque Romanos Pontifices Prædecessores Nostros, ac Nos, & Sedem prædictam etiam consistorialiter, & de ejusdem S. R. E. Cardinalium consilio, ac per modum statuti, & Constitutionis perpetuorum, ac motu, & scientia paribus, deque Apostolica potestatis plenitudine ad Imperatoris, ac Regum, & Reginarum, Ducum, & Marchionum, & aliorum Principum instantiam, seu illorum contemplatione in genere, vel in specie, aut aliàs quomodolibet etiam iteratis vicibus concessis, confirmatis, & innovatis, & in posterum concedendis, confirmandis, & innovandis, etiam si in iis, ac statutis, & stabilimentis prædictis caveatur expressè, vel tacitè, quod Urbis nonnisi originariis Civibus Romanis, ac Civium eorumdem filii, aliarum verò partium Beneficia, nisi per personas illustres, seu nobiles, ac etiam originarios Cives, aut aliàs certo modo in illis expresso qualificatos obtineri, aut conferri possint, & nullus in Civem Urbis, aut Civitatum, Oppidorum, Terrarum, & locorum hujusmodi admitti, seu illorum privilegiis uti possit, nisi prius in dictis Civitatibus, Oppidis, & locis per certum tempus habitaverit, seu etiam in illis bona etiam stabilia forsitan ad certum valorem ascendenda possideat, quodque Præceptoræ, & alia Beneficia quæcumque dicti Hospitalis Sancti Joannis Hierosolymitani, tam ex ejus institutione, quam ex stabilimentorum prædictorum dispositione, non in titulum perpetuorum Beneficiorum conferri, sed in Commendam ad vitam Commendatariorum revocabiliter concedi debeant, & sic pensionibus Ecclesiasticis, secularibus, aut aliis personis Apostolica auctoritate reservandis gravari non possit, quodque stabilimentis, & privilegiis præfatis etiam vigore clausulæ implicitæ derogationis latissimè extendendæ etiam per quascumque Literas Apostolicas, & quavis etiam derogatoriis derogatorias efficaciores, & insolitas clausulas derogari non possit, nec derogatum censeatur nisi derogatio hujusmodi de consilio dictorum Cardinalium fiat, & tum demum, ad id Magistris, & Conventus præfatorum expressus accedat assensus, sintque Literæ derogationis hujusmodi etiam per dictum Magnum Magistrum subscrip-

tæ, ac ei, & præfato Conventui per diversas in forma Brevis, aut alias Literas diversis temporibus cum certis intervallis præsentatas intimatæ, & non aliàs, nec alio modo; & semper in hujusmodi Literis, quæ sic fient etiam de simili consilio derogationis sit apposita clausula, quod illarum effectum fortiantur de consensu Magistris, & Conventus præfatorum, & non aliàs, aliter, nec alio modo.

§. 10. Quibus omnibus, & eorum singulis etiam si pro illorum sufficienti derogatione aliàs de illis, eorumque totis tenoribus specialis, specifica, & expressa, & de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, & in eis caveatur expressè, quod illis nullatenus derogari possit, quodque clausula implicitæ derogationis in rescripto etiam motu proprio emanato apposita aliter in Literis exprimi, vel extendi nequeat, illorum omnium tenores præsentibus pro sufficienter expressis, ac de verbo ad verbum insertis habentes illis aliàs in suo robore, & firmitate permanens hac vice dumtaxat harum ferie in genere, & in specie ad effectum præmissorum specialiter, & expressè, motu, & scientia similibus derogamus, ac derogatum esse discernimus, cæterisque contrariis quibuscumque.

§. 11. Volumus autem, quod præsentium transumptis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus ubique fides tam in judicio, quam extra illud adhibeatur, quæ præsentibus ipsis adhiberetur, & adhiberi possit, si forent exhibitæ vel ostensæ; quodque antequam gratia Notarius perfrui possint, & valeant, in manibus alicujus personæ in dignitate Ecclesiastica constitutæ professionem fidei juxta articulos pridem à Sede Apostolica præfata propositos emittere, & solitum fidelitatis juramentum omninò præstare teneantur, & quilibet ipsorum teneatur.

Dat. Romæ apud S. Mariam Majorem sub Anno Piscatoris die 18. Octobris 1655. Pontific. Nostri Anno primo.

Contrariis derogat.

Dat. P. An. I. die 18. Oct.

Divisio, & Reductio Provinciarum Religionis C. R. Ministrantium Infirmi.

XII.

ALEXANDER PAPA VII.

Edita A. D. 1655.

Ad futuram rei memoriam.

IN eminenti Sedis Apostolicæ specula Domini Gregis curæ Nostræ divinitus commissi commodis jugiter invigilantes illis, quæ prospero Congregationum personarum regularium, nedum ad corporalem Christianifidelium utilitatem, sed etiam quod satius est, ad salutem animarum præsertim in extrema cum hoste humani generis lucta procurandam providè institutarum statui, & felici directioni conducere arbitramur, propensis studiis intendimus, ac desuper pastoralis Officii Nostri partes interponimus, prout in Domino conspiciamus salubriter expedire.

Exordium.

§. 1. Cum itaque, sicut accepimus, Congregatio Dilectorum Filiorum Clericorum Regularium ministrantium infirmis dudum per Literas Apostolicas in quinque Provincias, videlicet Romanam, & Etruriæ simul, nec non Mediolanensem, Bononiensem, Neapolitanam, & Siculam divisa fuerit; Et subinde eandem Congregationem particularis Congregatio à fel. rec. Innocentio Papa X. Prædecessore Nostro deputata in duas Provin-

Motiva hujus instit.

Diviso pro
ut in rubr.

Alternativa
Præfetti Ge-
neralis.

Consulto-
res ex quali-
bet Provin-
cia assumun-
tur.

Arbiter Con-
sultæ non eli-
gatur ex Pro-
vincia Præ-
fetti Genera-
lis.

Contrariis
derogat.

cias, nempe Neapolitanam, quæ etiam Siculam comprehenderet, ac Romanam, quæ reliquas Provincias prædictas pariter contineret redegerit, cumque præmissorum occasione varia perturbationes subortæ fuerint. Nos, ut Clerici prædicti semota omni perturbationum materia in suo laudabili Instituto pro communi Christianidelum bono perseverare valeant, quantum cum Domino possumus, providere volentes.

§. 2. Motu proprio, ac ex certa scientia, & matura deliberatione nostris, deque Apostolicæ potestatis plenitudine, totam Congregationem Clericorum Regularium hujusmodi in quatuor Provincias, videlicet Romanam, quæ Etruscam, eique propinquiorem Bononiam. Provinciæ partem comprehendat, nec non Mediolanensem, quæ reliquam Provinciæ Bononiensis hujusmodi partem juxta divisionem ipsius Provinciæ Bononiensis in Capitulo generali dictæ Congregationis proximè celebrando faciendam etiam comprehendat, ac Neapolitanam, & Siculam, quæ quatuor Provinciæ singulæ suos Provinciales, & Officiales distinctos, & separatos habere debeant, tenore præsentium dividimus, & reducimus.

§. 3. Declarantes tamen, quod quantum attinet ad electionem personæ idoneæ ex Provinciarum dictæ Congregationis professoribus ad munus Præfetti Generalis ipsius Congregationis pro tempore vacans alternatim assumendæ, eadem Congregatio in duas solummodo Provincias, nempe Romanam, quæ Mediolanensem, quoad hunc articulum contineat, ac Neapolitanam, quæ Siculam pariter comprehendat, divisa censetur, itaut prædictum munus Præfetti Generalis professoribus Romanæ, seu Mediolanensis, & Neapolitanæ, seu Siculæ Provinciarum hujusmodi alternatim in perpetuum deferri debeat, & Præfectus Generalis, quando Romanæ, & Mediolanensis insimul Provinciæ turnus obtigerit, tam ex particulari Romanæ, quam ex Mediolanen. Provinciis prædictis, servatis tamen aliis servandis assumi possit; quando verò Neapolitanæ, & Siculæ Provinciæ itidem insimul turnus obvenerit, tam ex particulari Neapolitana, quam ex Sicula Provinciis, hujusmodi eligi similiter valeat.

§. 4. Præterea prohibitionem, ne ex Provincia dictæ Congregationis, ex qua Præfectus Generalis electus esset Consultor ullus ejusdem Congregationis assumeretur, in prædictis Litteris Apostolicis contentam Motu, scientia, deliberatione, potestatis plenitudine, & tenore præsentis tolerantis, & abolentes, singulos Consultores prædictæ Congregationis ex singulis quatuor Provinciis memoratis, Romana videlicet, Mediolanen, Neapolitana, & Sicula assumi debere decernimus.

§. 5. Statuentes ut Arbiter Consultæ generalis prædictæ Congregationis nequaquam ex illa Provincia, ex qua Præfectus Generalis pro tempore fuerit, sed ex alia assumatur, ac decernentes præsentibus literas semper firmas, validas, & efficaces existere, & fore, suorumque plenarios, & integros effectus fortiri, & obtinere, ac ab omnibus, ad quos spectat, & pro tempore spectabit perpetuò inviolabiliter observari: sicque, in præmissis per quoscumque Judices ordinarios, & Delegatos etiam Causarum Palatii Apostolici Auditores, sublata eis, & eorum cuilibet quavis aliter judicandi, seu interpretandi facultate, & auctoritate judicari, ac definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 6. Non obstantibus præmissis, ac Constitutionibus, & ordinationibus Apostolicis, nec non dictæ Congregationis etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis

quoque, indultis, & Litteris Apostolicis eidem Congregationi, illius Superioribus & personis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, ac sufficienter expressis, & ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 7. Volumus autem, ut præsentium transcriptis etiam impressis, manu Notarii publici subscriptis, & sigillo alicujus personæ in Ecclesiastica dignitate constitutæ munitis eadem prorsus fides in judicio, & extra, ac ubique locorum adhibeatur, quæ ipsis præsentibus adhibetur, si forent exhibitæ, vel ostensæ.

Datum Romæ apud S. Petrum sub Annulo Piscatoris, die 22. Novembris 1655. Pontificatus Nostri Anno primo.

Dat. P. An. r.
die 22. Nov.

Confirmatio Privilegiorum Ordinis Sanctissimæ Trinitatis Redemptionis Captivorum, & ejusdem Confraternitatum, ac Beatissimæ Virginis Mariæ de Remedio.

XIII.

ALEXANDER PAPA VII.

Edita An. D.
1655.

Ad futuram rei memoriam.

EXponi Nobis nuper fecit dilectus Filius Petrus Mercier Minister Generalis Ordinis Sanctissimæ Trinitatis Redemptionis Captivorum, quod ipse pro felici dicti Ordinis regimine, atque gubernio omnia, & singula Privilegia, gratias, & Indulta eidem Ordini, nec non Confraternitatibus sub Invocatione Sanctissimæ Trinitatis, & Beatissimæ Virginis de Remedio nuncupat. Redemptionis Captivorum vigore Literarum in simili forma Brevis fel. record. Pauli Papæ V. Prædecessoris Nostri erectis aliis à diversis Romanis Pontificibus Prædecessoribus Nostri concessa, quo firmiora persistant, & ab omnibus exactius observentur Apostolicæ nostræ confirmationis robore communiti summopere desiderant.

Supplicatio.

§. 1. Nos igitur eundem Petrum specialibus favoribus, & gratiis prosequi volentes, & à quibusvis excommunicationis, suspensionis, & interdici, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequen. harum serie absolventes, & absolutum fore censentes,

Oratorem
absolvit à
censuris.

§. 2. Supplicationibus illius nomine Nobis super hoc humiliter porrectis inclinatis, Privilegia, gratias, & indulta prædicta, dummodo tamen in usu, ac licita sint, & honesta, & non sint revocata, aut sub aliquibus revocationibus comprehensa, sacrisque Canonibus, & Concilii Tridentini decretis, ac Constitutionibus Apostolicis, regularibusque dicti Ordinis Institutis non adversentur, & quoad Confraternitates prædictas monopolis ansam non præbeant Apostolica auctoritate tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos tam juris, quam facti defectus, si qui desuper quomodolibet intervenerint in eisdem supplemus.

Confirmat
ut in rubr.

§. 3. Decernentes illa, nec non præsentibus Literas semper, & perpetuò valida, firma, & efficacia existere, & fore, suorumque plenarios, & integros effectus fortiri, & obtinere, ac ab omnibus, & singulis, ad quos spectat, & spectabit quomodolibet in futurum inviolabiliter, & inconculsè observari; Sicque per quoscumque Judices ordinarios,

Decretum
irritans.

& dele-